



Inatsisartunut ilaasortaq
Aleqa Hammond
/MAANI

§ 37 naapertorlugu apeqqut akileraartarnikkut aaqqissusseqqinnerup 2013-imeersup kingunerisaanik kommuninut ataatsimoortumik tapiissutit annikillinerat pillugu

Asasara Aleqa Hammond,

Apeqqutigisannut qujanaq, taanna matumuuna akissuteqarfigineqassaaq.

7. november inatsisartut suleriaasianni § 37 imm 1 naapertorlugu apeqquteqaammut nunamut tamarmut akileraarutip 1%-mik appartinnissaanut tunngatillugu Naalakkersuisut akissuteqarnermi aningaasatigut kommuninut sunnuteqassanngitsoq akissuteqarput, maannalu aningaasaqarnermut ataatsimiititaliap ilassutitut isumaliutissiissutaani allassimavoq akileraarutininik allannguinerup inatsisartut Ukiakkut 1012-mi ataatsimiinnermi akuersissutigisaasa kingunerinik kommuninut ataatsimoortumik tapiissutit 2013-mi 27,5 mio kroninik, 2014-imi 30,3 mio. kroninik, 2015-imi 27,5 mio kroninik aammalu 2016-imi 25,2 mio kroninik appartinneqartinneqassasut. Tamanna sumik nassuiaatissartaqarnersoq Naalakkersuisut oqaatigisinnaavaat?

Akissuteqaat:

Akileraartarnikkut allannguinerup immikkoortuisa ilaasa kinguneraat kommuninut annertunerusunik akileraartarnikkut isertitaqarneq. Taakku ataatsimoortumik tapiissutini illuatungilerlugit naatsorsorneqarput, taamaasilluni akileraartarnikkut allanngineq ataatsimut isigalugu kommuninut missingersuutitigut allanngortitsisuunani.

Taamaasilluni matumani pineqanngilaq sipaarnuteqarnerit, kisiannili akileraartarnikkut allannguinerup kommuninut aningaasaqarniarnikkut kinguneqannginnissaa.

Piffissaq sivilunerusoq eqqarsaatigalugu annikillitsisineq annertussuseqassaaq ukiumut 10 mio. kronit missaanik, annikillitsisinerlu ukiuni 2013-imiit 2033-imum annertunerussalluni, pingaarnerusutigut pissutaallutik ingerlatseqatigiiffinnut akileraartarnermi nalikilliliisarnikkut malittarisassat allanngortinneqarnerat. Taamaalilluni 2013-imi annikillitsisineq 27,5 mio. kroninik annertussuseqassaaq.

Inussiarnersumik inuulluaqqusillunga

Maliina Abelsen

04-01-2013
Suliap normua 2012-077825
All. nr. 1082289

P. O. Box 1037
3900 Nuuk
Oqarasuaat (+299) 34 50 00
Nassitsigasuaat (+299) 34 63
50

E-mail: oed@nanoq.gl
www.nanoq.gl